


SEGUNDO.- Comunicar esta circunstancia á Xunta Electoral Central para que remita as credenciais de JOSÉ GARCÍA MÍGUEZ, seguinte na lista, dos que concurren ás últimas eleccións municipais na mesma candidatura, para que poida tomar posesión do seu cargo."

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./as Concelleiros/as asistentes, sendo trece votos a favor (8 do PSdeG-PSOE, 3 do BNG e 2 do PG), aprobou, nos seus propios termos, a proposta da Alcaldía nos antecedentes transcrita.-


Pola Presidencia dase por rematada a presente sesión, sendo sendo as dez horas e vinte e cinco minutos da data fixada no encabezamento, en proba de todo o que, se estende a presente acta, que se inscribiu no Libro o folio núm. 095 do Papel Timbrado da Comunidade Autónoma de Galicia, Serie A nº 2237095 ata a volta do folio núm.98, Serie A nº 2237098, e todo o que, como Secretaria, DOU FE.-

O ALCALDE



XAIME REI BARREIRO

A SECRETARIA XERAL



ANA BEGONA MERINO GIL

SESIÓN ORDINARIA CELEBRADA POLO PLENO DO CONCELLO O DÍA
29 - XUÑO - 2009

ORDE DO DIA

- 1.- APROBACIÓN DA ACTA DA ÚLTIMA SESIÓN.
- 2.- TOMA DE POSESIÓN, COMO CONCELLEIRO POLO GRUPO MUNICIPAL DO PSdeG-PSOE, DE D. JOSÉ GARCÍA MÍGUEZ.
- 3.- ACHEGA DE EXPEDIENTES ADMINISTRATIVOS DE MODIFICACIÓN DE CRÉDITO.
- 4.- REESTRUTURACIÓN DO PROXECTO MARISMA, INTEGRADO DENTRO DO PLAN FEDER
- 5.- APROBACIÓN INICIAL ALTERACIÓN DA CALIFICACIÓN XURÍDICA DO BEN MUNICIPAL "VIVENDAS MESTRES ANTIGO COL. ENCINAS".
- 6.- ACTIVIDADE DE CONTROL DO PLENO:
- 6.1.- DAR CONTA DE RESOLUCIÓNS DA ALCALDÍA E CONCELLEIROS – DELEGADOS.
- 6.2.- MOCIÓNS.



(Sinatura do Presidente)

Folio N.º

Serie A N.º 2237099

6.2.1.- MOCIÓN DO GRUPO MUNICIPAL DO PARTIDO POPULAR, S/ MELLORAS NO VIADUCTO DE FERROCARRIL DE REDONDELA.

6.2.2.- MOCIÓN DO GRUPO MUNICIPAL DO B.N.G., S/ GRATUIDADE DOS LIBROS DE TEXTO E DO MATERIAL CURRICULAR NO VINDEIRO CURSO ACADÉMICO.

6.3.- ROGOS E PREGUNTAS.

6.3.1.- COMPARECENCIA DO CONCELLEIRO SEÑOR PAZOS DOCAMPO.

Na Casa do Concello de Redondela, sendo as vinte horas e trinta minutos do día vintenoventa de xuño de dous mil nove, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MARIA ALBINA REBOREDO SURIS, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. JOSÉ GARCÍA MÍGUEZ, D^a. FRANCISCA CANAL GÓMEZ, D. JUAN TIZÓN CABALEIRO, D. JOSÉ ALBERTO PAZOS COUÑAGO, D. MIGUEL ANGEL ALVAREZ BALLESTEROS, D^a. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, D^a. LAURA ALONSO GÓMEZ, D. XOSÉ CARLOS PAZOS DOCAMPO, D^a. MARÍA ANXELES BABARRO FERNÁNDEZ, D^a. ROSA MARIA COSTAS ESTÉVEZ, D. ALEJANDRO BASTOS FERNÁNDEZ, e D. BENIGNO GARCÍA-LUENGO MONTERO, actuando como Secretaria a Secretaria Xeral da Corporación DONA. ANA BEGOÑA MERINO GIL, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Non asisten, excusando a súa ausencia, o Concelleiro D. ALEJANDRO BASTOS FERNÁNDEZ.

INCIDENCIAS.-

Con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.- APROBACIÓN DA ACTA DA SESIÓN ANTERIOR.-

Non se formulan observacións, e o Pleno do Concello, en votación ordinaria e por unanimidade dos/as seus membros presentes, sendo vinte votos a favor (8 do PSdeG-PSOE, 8 do PP, 3 do BNG, e 1 do PG), acorda prestar aprobación ao acta da sesión celebrada con carácter extraordinario o día **9 de xuño de 2009.-**

2.- TOMA DE POSESIÓN, COMO CONCELLEIRO POLO GRUPO MUNICIPAL DO PSdeG-PSOE, DE D. JOSÉ GARCÍA MÍGUEZ.-

O Concello Pleno, en sesión de data 9 de xuño de 2009, tomou coñecemento da renuncia da concelleira do Grupo Municipal do PSdeG-PSOE, Dona. Isabel Castro Piedras.

Remitida credencial pola Xunta Electoral Central a favor de D. JOSÉ GARCÍA MÍGUEZ, como seguinte na lista de candidatos presentada polo PARTIDO DOS SOCIALISTAS DE GALICIA-PARTIDO SOCIALISTA OBRERO ESPAÑOL, ás eleccións locais de 27 de maio de 2007, en substitución, por renuncia da citada concelleira.

Persoado o Sr. García Míguez e acreditada a súa personalidade.

Comprobado que ten formulado as declaracións ás que se refire o artigo 75.5 da Lei 7/1985, do 2 de abril, Reguladora das Bases de Réxime Local, segundo a redacción dada ao mesmo pola Lei 9/1991, do 22 de marzo, polo interesado de acordo coa fórmula prevista polo Real Decreto 707/79, de 5 de abril, en concordancia co artigo 108.6 da Lei Orgánica do Réxime Electoral Xeral, procede a dar lectura ao seguinte texto: "Prometo/xuro pola miña conciencia e honor cumprir fielmente as obrigas do cargo de concelleiro do Concello de Redondela, con lealtade a El Rei e gardar e facer gardar a Constitución como normal fundamental do Estado."

O Sr. García Míguez, promete o seu cargo.

Na súa consecuencia, D. JOSÉ GARCÍA MÍGUEZ, ante o Concello Pleno, toma posesión do seu cargo de Concelleiro polo Partido dos Socialistas de Galicia-Partido Socialista Obrero Español, pasando de seguido a ocupar o seu escano entre os membros da Corporación.-

3.- ACHEGA DE EXPEDIENTES ADMINISTRATIVOS DE MODIFICACIÓN DE CRÉDITO.-

Infórmase dos seguintes expedientes administrativos de modificación de crédito:

1/09, aprobado por Decreto da Alcaldía de data 21.01.09, mediante incorporación de remanentes, por importe de 241.157,05 euros.

7/09, aprobado por Decreto da Alcaldía de data 16.06.09, mediante xeración de crédito por importe de 33.000,00 euros.

Non se formulan observacións e o Pleno do Concello queda informado dos expedientes administrativos de modificación de crédito anteriormente relacionados.-

4.- REESTRUCTURACIÓN DO PROXECTO MARISMA, INTEGRADO DENTRO DO PLAN FEDER.-

ANTECEDENTES.-

Dictame da Comisión Informativa de Facenda e Patrimonio de data 29 de xuño de 2009, que transcrito dí:

"Vistas as instrucións para a aplicación e desenvolvemento das bases reguladoras da convocatoria 2007 de axudas do fondo europeo do desenvolvemento rexional para cofinanciar proxectos de desenvolvemento local e urban durante o período 2007-2013.

Vistos os prazos de execución en relación a diferentes proxectos de obra incluídos dentro do plan MARISMA (financiados con axudas do FEDER) prantexase un novo ritmo de execución do gasto motivada pola menor duración das obras recollido no anexo VI.

Vista a necesidade de eliminar a actuación denominada "Urbanización parcela Auditorio" prantexase a redución do 100% dos gastos.

Vista a necesidade de incrementar as actuacións denominadas "Recuperación de edificio Centro de Formación" prantexae un aumento de 72.225,83 sobre o orzamento previsto de 211.688,19 € ascendendo a un total de 283.914,02 euros.

Vista a necesidade de incrementar a actuación denominada "Soterramento da liña de media tensión" prantexase un aumento de 139.462,36 euros sobre o orzamento previsto de 60.337,64 euros o que ascende un total de 199.800 euros.



(Sinatura do Presidente)

Folio N.º

Serie A N.º 2237100

Vista a necesidade de eliminar a actuación denominada "Participación en Redes de intercambio" prantexase a redución do 100% dos gastos e o traspaso dos mesmos a actuación denominada "Campañas de comunicación" ascende esta a un total tras o incremento de 13.000 euros.

En virtude do que antecede esta Presidencia, propón que a Comisión informativa de Facenda e Patrimonio eleve ao Concello Pleno a seguinte proposta de acordo:

Primeiro.- Notificar o diferente ritmo de execución dos gastos conforme ao anexo VI, adxunto a esta proposta.

Segundo.- Solicitar autorización para levar a cabo as modificacións relacionadas nos antecedentes desta proposta e plasmadas no mesmo anexo VI adxunto a esta proposta.

Votación e dictame.-

A Comisión informativa de facenda e patrimonio, co voto favorable dos/as Sres/as Concelleiros/as dos Grupos Municipais do PSdeG-PSOE (4) do BNG (2), e a abstención do Grupo Municipal do PP (3), e do PG (1) por maioría dictaminou favorablemente a proposta do Presidente antes transcrita."

INTERVENCIONS.-

A concelleira señora Canal Gómez dí que esta proposta ven a amosar a mala xestión e a chapuza do equipo de goberno e espera que a administración correspondente acceda ao cambio e o proxecto salga adiante.

O concelleiro señor González Iglesias dí que é xusto o contrario do que di a voceira do PP posto que estaba previsto que o plan rematara en 2011 e así o fará en 2010.

A concelleira señora Canal Gómez dí que ogallá sexan capaces de executar as obras previstas pero teñen dúbidas.

O concelleiro señor González Iglesias resposta que tamén se cansou de dicir que era un proxecto virtual e agora pode comprobar cómo se empezan a adxudica-las obras.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./as concelleiros/as asistentes, sendo vinte votos a favor (8 do PSdeG-PSOE, 8 do PP, 3 do BNG e 1 do PG), aprobou, nos seus propios termos, o dictame da Comisión Informativa de Facenda e Patrimonio, nos antecedentes transcrito.-

5.- APROBACIÓN INICIAL ALTERACIÓN DA CALIFICACIÓN XURÍDICA DO BEN MUNICIPAL "VIVENDAS MESTRES ANTIGO COL. ENCINAS".-

ANTECEDENTES.-

Dictame da Comisión Informativa de Facenda e Patrimonio de data 29,06.09, que transcrito dí:

"Considerando que no Inventario Municipalde Bens cuxa actualización foi aprobada definitivamente con data 6 de xuño de 2007 ven recollido un ben municipal co carácter de Patrimonial, figurando co número de orde 4077 e número de orde de grupo 383 "vivendas mestres antigo Col. Encinas", figurando como local 6, Es E Pr 00 Po 01 Destino "Almacen sen Uso (Nº 22)" de 86,68 m2.

Considerando que este local ven sendo utilizado como local de ensaio por grupos da vila, sendo intención do Concello que se adique expresamente ás necesidades que poidan dimanar do servizo público de participación cidadá aos efectos de procurar unha maior protección do mesmo.

Visto o informe de secretaría 63/2009.

Vistos os Artigos 22.2.1), 47.2.n) e 81 da Lei 7/1985, de 2 de abril, Reguladora das Bases de Réime Local e os artigos 8 e 35 do Real Decreto 1372/1986, de 13 de xuño, polo que se aproba o Regulamento de Bens das Entidades Locais.

Teño a ben propor ao pleno do Concello, previo dictame da comisión informativa, a adopción dos seguintes acordos:

1.- Aprobar inicialmente a alteración da calificación xurídica do citado ben a fin de que quede clasificado como de dominio público afectado ao servizo de participación cidadá.

2.- Someter o acordo a información pública durante un mes mediante anuncio no Boletín Oficial da Provincia e no taboleiro de anuncios do Concello. Nese período, o expediente estará a disposición de calquera interesado que queira examinalo ao obxecto de que poidan presentar as alegacións que estimen pertinentes.

Votación e dictame:

A Comisión informativa de facenda e patrimonio, co voto favorable dos/as Sres/as Concelleiros/as dos Grupos Municipais do PSdeG-PSOE (4) do BNG (2), e a abstención do Grupo Municipal do PP (3), e do PG (1) por maioría dictaminou favorablemente a proposta do Presidente antes transcrita."

INTERVENCIÓNS.-

A concelleira señora Canal Gómez sinala que posto que o obxectivo é que os usuarios paguen polo uso do servizo, non lles parece adecuado, e prefieren que os xoves non teñan que pagar por iso.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as concelleiros/as asistentes, sendo doce votos a favor (8 do PSdeG-PSOE, 3 do BNG e 1 do PG), e oito abstencións (8 do PP), aprobou, nos seus propios termos, o dictame da Comisión Informativa de Facenda e Patrimonio, nos antecedentes transcrito.-

6.- ACTIVIDADE DE CONTROL DO PLENO:

6.1.- DAR CONTA DE RESOLUCIÓNS DA ALCALDÍA E CONCELEIROS DELEGADOS.-

O Concello Pleno dase por enterado do contido das Resolucións da Alcaldía e dos Concelleiros Delegados dende o día 22 de maio ao 24 de xuño de 2009.-

6.2.- MOCIÓNS:

6.2.1.- MOCIÓN DO GRUPO MUNICIPAL DO PARTIDO POPULAR, S/ MELLORAS NO VIADUCTO DE FERROCARRIL DE REDONDELA.-



(Sinatura do Presidente)

Folio N.º

Serie A N.º 2237101

ANTECEDENTES.-

Moción presentada polo grupo municipal do Partido Popular no Rexistro Xeral do Concello con data 29 de xuño de 2009, que transcrita di:

"De todos é sabido a situación de perigo que se está xerando no casco urbán de Redondela, pola situación de abandono na que se atopa o VIADUCTO DE FERROCARRIL MÁIS NOTABLE DO SÉCULO XIX QUE PERTENCE AO PATRIMONIO DO ESTADO. Dita ponte está catalogada como ben cultural dada a súa importancia, a súa singularidade como obra de enxeñería que actualmente cause a anacos e todo iso polo resultado de non ter levado a cabo a obra de remodelación que o Alcalde Xaime Rei leva prometendo dende fai 22 anos.

É lamentable que os rexidores municipais non se preocupen de velar polo noso Patrimonio e máis si falamos dunha obra de enxeñería do século pasado símbolo da nosa localidade, que actualmente para evitar desprendementos os responsabeis de PATRIMONIO DO ESTADO decidiron colocar unha rede protectora órredor da súa estrutura para evitar os desprendimentos, non asegurando incluso que se resolva o problema que poidera xerar un desprendimento maior, ao marxen de que a estética da ponte nestes momentos é lamentable, así como o impacto medioambiental que produce xa que perxudicou a especies tal e como foi o caso da colonia de golondrinas como máis de 80 nidos delas e máis de vencexos. Ámbalas dúas especies catalogadas de interés especial, e tratándose de especies ameazadas.

Por iso solicitamos que se tome o seguinte acordo:

Instar aos responsables de Patrimonio do Estado a que procedan, á maior urxencia posible, a que se realicen as melloras oportunas, coa finalidade de que Redondela volva a sentirse orgullosa de ter unha obra destas características no seu concello, conseguir un aproveitamento turístico e evidentemente recuperar a seguridade vial dos cidadáns.

INTERVENCIONS.-

O concelleiro señor Pazos Docampo di que non lle parece serio porque non ten sentido solicitar que se faga algo no momento en que se vai a facer ou está en marcha. Considera extemporánea a moción e non teñen intención de apoiala porque lle parece fora de lugar e pensa que o PP anda ao remolque.

O concelleiro señor González Iglesias di que xa se empezou a facer un arranxo e sinala que pensaba que o prantexamento ía ser outro. Sinala que a Consellería de Cultura realizou hai uns dez anos traballos de conservación pero non foi quen de seguir co mantemento e por iso foi deteriorándose. Indica que o PP tamén gobernaba naquel intre en Madrid polo que considera que ao PP lle debe resultar fácil identificar aos responsables.

A concelleira señora Canal Gómez di que o equipo de goberno está a eludir responsabilidades porque o tema é cousa do Estado e xa hai 22 anos que propuxeron facer na ponte un paseo acristalado. Sinala que o PP de Redondela fai a suas mocións, non como o señor Pazos que llelas mandan. Indica que agora somentes se está a por unha malla de protección pero eles están porque a administración do Estado faga as cousas como as ten que facer e teñen que resolver o asunto. Tamén hai un problema de seguridade porque cando estaban a colocar a rede mirou a tres nenos na ponte e lle parece lamentable que haxa problemas de seguridade. Consideran que deben instar ao goberno a que arranxe o tema o máis axiña posible dado que hai que manter o patrimonio e eles sintense moi orgullosos do viaducto.

O concelleiro señor García Luengo di que él non mirou a moción, que se presentou a última hora de hoxe e polo tanto vaise a abster.

O concelleiro señor Pazos Docampo resposta que él non é responsable de poñer a rede.

O concelleiro señor González Iglesias invita á voceira do PP a sacar o proxecto do paseo acristalado de hai 22 anos porque realmente é bastante posterior e volve a sinalar que hai 10 anos o concelleiro era o señor Pérez Varela e a súa consellería nin mantivo o que fixeron nin remataron os traballos.

A concelleira señora Canal Gómez dí que están moi orgullosos de ter un concelleiro que se preocupaba por Redondela e quixo aportar algo aínda que non era da súa responsabilidade. Dí tamén que o goberno local si é responsable de non manter outras cousas que fixo, como o Multiusos e tampouco está de acordo co que fixeron o BNG e o PSOE deixando de lado todo o que se fixo na Illa de San Simón.

O Alcalde dí que o viaducto é responsabilidade da Dirección Xeral de Patrimonio e que no seu intre se pecharon as entradas por indicacións do Alcalde. Dí tamén que sigue insistindo en que se faga o proxecto pero non o vai a facer o Concello.

A concelleira señora Canal Gómez dí que hai tempo que o Alcalde dixo que ían facer xa as obras polo que, ao parecer, lles mentiu.

O Alcalde respóstalle que non dixo iso pero sigue a intentar que se fagan.

VOTACIÓN E ACORDO.-

Sometida a votación a moción formulada polo Grupo Municipal do Partido Popular, o Concello Pleno, en votación ordinaria e por maioría dos/as Sres./as concelleiros/as asistentes, sendo once votos en contra (8 do PSdeG-PSOE, e 3 do BNG), unha abstención (1 do PG), e oito votos a favor (8 do PP), rexeitou, a Moción do Grupo Municipal do PP, nos antecedentes transcrita.-

6.2.2.- MOCIÓN DO GRUPO MUNICIPAL DO B.N.G., S/ GRATUIDADE DOS LIBROS DE TEXTO E DO MATERIAL CURRICULAR NO VINDEIRO CURSO ACADÉMICO.-

ANTECEDENTES.-

Moción do Grupo Municipal do B.N.G., presentada no Rexistro Xeral do Concello con data 25 de xuño de 2009, que transcrita dí:

"EXPOSICIÓN DE MOTIVOS

As nais e os pais do alumnado levan décadas loitando por unha mesma causa: que os libros de texto escolares sexan gratuítos para as familias con fillos e fillas matriculados en colexios públicos e concertados. Se como di a Constitución española no seu artigo 27.4 o "ensino básico é obrigatorio e gratuíto", os manuais de texto que o alumnado necesita para seguir o curso tamén deberían selo. Tal e como está configurado o sistema educativo, o libro é aínda un elemento imprescindible que as familias están obrigadas a adquirir cada comezo de curso. En realidade, ao esixir este esforzo económico non se cumpre co precepto constitucional, nin se garante a igualdade de oportunidades de todos e todas á educación.

Por Orde de 6 de xuño de 2003 (Diario Oficial de Galiza do 12 de xuño), convocouse o programa de gratuidade de libros de texto nos centros de ensino sostidos con fondos públicos para os niveis obrigatorios e gratuítos, e estableceéronse as súas normas de organización e funcionamento como un servizo fundamental á sociedade por parte dos poderes públicos, como servizo de préstamos que favorece a igualdade de oportunidades entre o alumnado e inculca valores de solidariedade, conservación do material para a súa reutilización por outras persoas e coidado do ben colectivo.

No curso 2009-2010 dase un paso atrás, cunha obsesión da actual Consellaría de Educación de dismantelar os



(Selo da Corporación)

(Sinatura do Presidente)

Folio N.º

Serie A N.º 2237102

logros conseguidos en etapas anteriores argumentando que non adoptara aínda medidas concretas sobre o programa impulsado polo goberno anterior con presenza do BNG.

Rexeitamos que unha das primeiras medidas que pon en marcha o goberno do PP sexa a de apoiar os recortes sociais. Desde o BNG, queremos lembrar, que a día de hoxe hai en Galiza 82.000 familias agardando que a Consellaría de Educación defina a súa política en materia educativa, porque aínda non saben que vai pasar cos libros de texto no vindeiro curso académico e qué vai pasar co programa de gratuidade dos libros de texto.

Consideramos inaceptábel a supresión da gratuidade universal dos libros de texto, anunciada polo concelleiro de Educación, Jesús Vázquez, na sesión do Consello Escolar de Galiza do 18 de xuño, admitidas tamén polo presidente da Xunta de Galiza. Esta proposta de recorte, xunto con outras que a Consellaría de Educación está levando adiante nestes primeiros meses do seu mandato, supón unha medida regresiva que atenta ao carácter público e gratuito do ensino, e evidencia unha vez máis a política negligente que este goberno está a levar a cabo.

Esta medida non pode ser a resposta do Goberno aos problemas económicos na actual situación, tal e como argumentou o concelleiro. De feito, nun contexto económico precario, o Goberno debe manter a gratuidade dos libros de texto para favorecer a economía das familias, e non usar a crise como pretexto para artellar discrecionalmente calquera tipo de política, mesmo aquelas que supoñen un ataque frontal ás garantías fundamentais polas que o Goberno debe velar. Esta política supón un paso atrás no plano educativo e social.

A tres meses da toma de posesión non sabe qué política educativa vai empregar, finalizando o curso cun total desconcerto e desconfianza por parte das familias.

É curiosa a maneira de entender a responsabilidade deste novo goberno que, por unha banda, realiza unha absurda enquisa ás nais e aos pais sobre a lingua na que queren os contidos dos libros de texto e, pola outra, toma despoticamente a decisión de eliminar a gratuidade dos mesmos.

Finalmente, debemos recordar que o sistema creado polo anterior goberno da Xunta de Galiza introducía a solidariedade de compartir os libros, e que existen 82.000 familias agardando unha decisión.

Por todo isto, o BNG propónlle ao Pleno da Corporación municipal a adopción do seguinte

ACORDO

Instar á Xunta de Galiza a garantir a gratuidade dos libros de texto e do material curricular no vindeiro curso académico."

INTERVENCIÓNS.-

O concelleiro señor García Luengo dí que apoia a moción e que pola súa experiencia docente coñece que países europeos como Alemaña ou Suiza xa facilitaban os libros en préstamo nas escolas dende hai bastantes anos. Sinala que a Xunta propón agora voltar ao sistema de darlle os libros aos máis necesitados e que queden con eles pero lle parece un paso atrás e considera máis doado que sexan da Administración e se presten a todos. Pensa que moitas familias van a quedar no borde e iso é inxusto.

A concelleira señora Canal Gómez dí que o actual goberno autonómico atopou un burato financeiro de 1.200 millóns de euros, practicamente na ruina posto que o BNG e o PSOE atoparon as arcas cheas e se dedicaron a despilfarrar. Lle parece que enganaron á cidadanía e por iso agora hai que tomar medidas. Dí que as axudas abranguerán ao 65% das familias e así os nenos gardan os libros e quedan para a súa propia biblioteca. Non lle parece doado que se financien os libros ás familias con máis ingresos e anuncia a presentación dunha enmenda no sentido de que "o Concello cubra as axudas por libros a aquelas familias que non as reciben da Xunta." Insiste en que en catro anos que estiveron aqueles dous partidos na Xunta non fixeron nada.

O concelleiro señor González Iglesias dí que o de Redondela foi dos primeiros concellos que levaron nos seus presupostos diñeiro para a merca de libros ás familias necesitadas e a Xunta o fixo cando deixou de gobernar o PP na mesma. Sinala que o feito de que haxa menos ingresos dos previstos no orzamento non quere dicir que a Xunta estea arruinada e opina que con cousas coma esta dos libros os cidadáns van saber de verdade quen son eles. Agora desaparece o aforro, porque non se daban libros en propiedade e se potencia o negocio editorial dándolle diñeiro a algunhas familias tres meses despois de que se compren os libros. Non ve ningún aforro, como tampouco no feito de que vendan os coches que o mesmo PP comprara. En canto ás obras de Pérez Varela en Redondela dí que no Multiusos chove dende o principio e hai grietas dende os seis meses.

O concelleiro señor Pazos Docampo dí que a Xunta non garante a gratuidade dos libros senón que só vai a dar unha subvención, non os libros. Lle parece que o goberno do PP non adopta ningunha medida en positivo e que o do préstamo para todos xa é unha práctica normal en moitos países dende hai anos. Opina con isto se perden dereitos.

O concelleiro señor García Luengo reitera o xa expresado no sentido de que lle parece un retroceso.

O concelleiro señor González Iglesias dí que os que deixaron a Redondela por primeira vez en situación de déficit presupostario en tres anos foi o goberno tripartito co PP que o fixeron fatal.

O concelleiro señor Pazos Docampo dí que o dos 1.200 millóns é cousa da voceira do PP que non entende de números e segue a insistir en que o dos libros lle parece un retroceso.

VOTACIÓN E ACORDO.-

Sometida a votación a enmenda formulada polo voceira do Grupo Municipal do Partido Popular, a mesma acadou o seguinte resultado: once votos en contra (8 do PSdeG-PSOE e 3 do B.N.G.), unha abstención (1 do P.G.) e oito votos a favor (8 do PP), na súa consecuencia, o Concello Pleno, en votación ordinaria e por maioría dos Sres. Concelleiros asistentes, rexeitou a enmenda de referencia.

Sometida a votación a moción formulada polo Grupo Municipal do B.N.G., o Concello Pleno, en votación ordinaria e por maioría dos/as Sres./as concelleiros/as asistentes, sendo doce votos a favor (8 do PSdeG-PSOE, 3 do BNG e 1 do PG), e oito votos en contra (8 do PP), aprobou, nos seus propios termos, a Moción do Grupo Municipal do BNG, nos antecedentes transcrita.-

6.3.- ROGOS E PREGUNTAS.-

6.3.1.- Comparecencia do concelleiro señor Pazos Docampo.-

Vista a solicitude presentada polo concelleiro señor Pazos Couñago que sinala o seguinte: "Dende fai meses o grupo municipal do Partido Popular ven solicitando a información relativa as actuacións desenvolvidas polo Goberno de Redondela en relación ás obras parcialmente executadas pola mercantil concesionaria do servizo municipal de abastecemento e saneamento municipal. Considerando que transcurriu o tempo necesario para a adopción de cantas medidas fosen necesarias para correxir a situación, o grupo municipal do Partido Popular, solicita a comparecencia no pleno do Concello do responsable municipal de saneamento e suministro de auga, para explicar o contido das medidas adoptadas polo goberno en relación ao asunto descrito."

O concelleiro señor Pazos Docampo dí que o PP trae ao pleno, sesión tras sesión, sempre o mesmo asunto. Indica que tal e como constaba no informe de secretaría, se paralizaron as obras ata que haxa a autorización preceptiva.

O concelleiro señor Pazos Couñago sinala que da lectura do prego que rexe a concesión resulta que a



(Sinatura do Presidente)

Folio N.º

Serie A N.º 2237103

concesionaria ten responsabilidade e debe ser sancionada por incumprimento do contrato, sanción que pode ser unha multa e incluso conlevar a caducidade da concesión. Lle parece que o normal é abrílles un expediente e dí que non se produxo a retirada de materiais, tal e como constaba na resolución de paralización.

O concelleiro señor Pazos Docampo dí que lle parece fora de lugar que o concelleiro fale de caducidade da concesión. Considera triste que non teñan outros temas que sacar.

O Alcalde intervén e dí que él non houbera paralizado a obra porque era para dar auga á Autoridade Portuaria e hai un principio de colaboración entre administracións.

O concelleiro señor Pazos Couñago dí que a lei é igual para todos e non caben excepcións.

6.3.2.- Preguntas.-

O concelleiro señor PAZOS COUÑAGO formula as seguintes preguntas:

1.- Dende fai meses o grupo municipal do Partido Popular, ven solicitando a información relativa ás actuacións desenvolvidas polo goberno de Redondela en relación ás obras parcialmente executadas pola mercantil concesionaria do servizo municipal de abastecemento e saneamento municipal. Considerando que transcurriu o tempo necesario para a adopción de cantas medidas fosen necesarias para correxir a situación, o grupo municipal do Partido Popular, solicita:

A comparecencia no pleno do Concello do responsable municipal de saneamento e subministro de auga, para explicar o contido das medidas adoptadas polo Goberno en relación ao asunto descrito.

2.- A raíz da creación do fondo de inversión local polo goberno central, nas últimas semanas comprobamos como se veñen executando obras de distinta natureza no noso concello. Chegados a este punto, debemos recordar que o obxectivo fundamental dese fondo, era a creación de postos de traballo, mediante unha aposta pola licitación de obras pública.

Non obstante descoñecemos a incidencia que tivo a aplicación deste plan en Redondela, aínda que si observamos a ausencia de empresas radicadas no noso concello, entre as adxudicatarias das distintas obras que se están executando.

Son numerosas as empresas do noso concello adicadas á construción, e a maioría dos seus empregados son naturais de Redondela e a súa comarca, e parece razoable supoñer que si as adxudicatarias das obras houberen sido as empresas do noso concello, continuaría coa súa política de contratación, é dicir, contratarían desempregados de Redondela e a súa comarca.

Non é intención deste concelleiro pretender que se priorice a adxudicación dunha empresa sobre outra, polo feito de ser de Redondela, pero tampouco parece razoable que se lles dificulte a posibilidade de acceder a estas adxudicacións pola mesma razón.

Por todo isto vimos en formular a seguinte PREGUNTA:

¿Que porcentaxe de empresas de Redondela foron invitadas a participar nos procesos de adxudicación negociados sen publicidade, das obras do Plan E?

O Sr. Alcalde dí que non coñece empresas que se adiquen a obra civil en Redondela e de feito non hai ningunha no rexistro de licitadores, aínda que éste é voluntario.



NUMERADO
CORPORACIÓNS
LOCAIS

3.- Entre as actuacións previstas en Redondela, dentro do denominado plan E, se contemplaba a humanización da rúa Pai Crespo interior. Esta actuación se prolongou no tempo causando graves molestias a veciños e comerciantes da zona, que poideron observar como se procedía á apertura indiscriminada de zanzas, sen que teñamos coñecemento do motivo concreto de dita actuación. A isto debemos engadir, que se procedeu a levantar o pavimento existente, sen ter todavía o pavimento novo, o que tamén retrasou notablemente a finalización da actuación prevista.

Por todo isto, este ano Vilavella non puido cumprir cunha tradición tan arraigada como a de engalanar a súas rúas con alfombras florais en honor da procesión do Domingo de Corpus.

O Grupo Municipal do Partido Popular considera que todo o anteriormente exposto supón unha grave negligencia do Goberno Municipal, cuxa imprevisión causou graves consecuencias aos veciños, aos comerciantes e ás tradicións culturais de Redondela, e é por iso que formulamos a seguinte PREGUNTA: ¿Ten o Goberno Municipal algunha explicación que ofrecer en relación a todos estos feitos?.

O Sr. Alcalde, dí que houbo un problema con Fenosa e R aos que se lles ofreceu a oportunidade de soterrar as liñas, cousa que fixeron. Finalmente considera que foi mellor.

4.- En datas recentes, antes de poder celebrarse unha exhibición de patinaxe organizada polo clube de patinaxe Bolboretta, se produciron no pavillón de Chapela, unha serie de incidentes, que supuxeron que finalmente se suspendese o evento previsto.

Estes incidentes sucederon como consecuencia dunha deficiente planificación por parte da Concellería de Deportes do Concello de Redondela, e ven a sumarse a outras incidencias que veñen perxudicando o normal desenrolo das actividades desta asociación deportiva.

Ante esta situación vimos a formular a seguinte PREGUNTA:

¿Pode ofrecer o responsable da Concellería de Deportes unha explicación razoable ao cúmulo de desaguisados sufridos nos últimos tempos por esta asociación?.

O concelleiro de deportes dí que houbo un erro por parte do Concello no horario, pero logo tratouse de darlle a mellor solución.

5.- Fai poucas datas, presentouse o Plan Marisma, no que se inclúe unha actuación encamiñada a recuperar o cauce natural do río Pexegueiro. O certo é que o grupo municipal do partido popular apoia firmemente esta actuación. O que non conseguimos entender é por que o bigoberno de Redondela se adica a malgastar recursos públicos vendéndonos as bondades da súa actuación, e obviando que o único que fai é correxir un erro cometido por ese mesmo goberno fai moi poucos anos.

Ademáis observamos con asombro, que mentras se adican fondos públicos a desfacer os muros de pedra que este goberno instalou no río Pexegueiro, gasta outros recursos, tamén públicos, en construír eses mesmos muros no cauce doutro río, neste caso o Maceiras.

Ante esa situación vimos a formular a seguinte PREGUNTA:

¿Cáles son as directrices políticas do Goberno Municipal respecto á protección dos cauces e entornos fluviais de Redondela?.



(Selo da Corporación)

(Sinatura do Presidente)

Folio N.º

Serie A N.º 2237104

O Sr. Alcalde dí que xa en varios ocasións recoñeceu que foi un erro por alí aqueles cantallos que lle parecen horrorosos. Tamén dí que en Redondela non hai un bigoberno senón un goberno de coalición.

6.- Dende fai algún tempo, os veciños de Santopaio de Arriba, na parroquia de Reboreda, nos trasladron o seu malestar debido á ausencia de caudal de auga na fonte situada no camiño Da Barreira, logo de que o concello de Redondela, procedese a realizar obras de mellora na mesma.

Ante esta situación vimos a formular a seguinte PREGUNTA:

¿Que medidas pensa adoptar o goberno municipal para correxir esta situación?.

O concelleiro señor Pazos Docampo dí que pola zona se fixeron algunhas obras e a fonte non ten auga

7.- Trala asamblea informativa celebrada o pasado venres no Multiusos de Chapela, foron multitude os veciños de Chapela, afectados pola posible ampliación da Autopista A-6, os que nos fanifestaron a súa sorpresa ante as dificultades para conseguir que se produza unha reunión entre os representantes do colectivo e o equipo redactor do PXOM. Dado que aparentemente, todos os grupos políticos representados neste pleno, coincidimos na nosa oposición á ampliación que se pretende, e entendendo que esa reunión reduciría a tensión que sufren os veciños, que só pretenden que polos técnicos pertinentes se resolvan as dúbidas lexítimas que teñen nestes momentos, vimos a formular o seguinte ROGO:

Que polo Goberno Municipal se tomen as medidas necesarias para facilitar a reunión solicitada polo colectivo de afectados de Chapela.

O Sr. Alcalde dí que xa se lle mandou ao colectivo por escrito como é a situación e neste intre non hai nada aprobado, xa que o único aprobado e a A5, coa que eles están de acordo, xa que tamén servirá para desconxestionar a AP9. Tamén dí que el non pensa reunirse cunha persoa que lle traicionou dúas veces.-

Pola Presidencia dase por rematada a presente sesión, sendo as vintedúas horas e dez minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 098 do Papel Timbrado da Comunidade Autónoma de Galicia, Serie A nº 2237098 ata o folio núm.104, Serie A nº 2237104, e todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGONA MERINO GIL